



## Kim Kielsens nytårstale

**Taler**

Kim Kielsen  
Formand for Grønlands  
Landsstyre

**Dato**

1. januar 2019

**Omrstændigheder**

Kim Kielsens nytårstale for Grønlands landsstyre ved årsskiftet 2019/2020. Talen holdes på Grønlandsk, men offentliggøres i en dansk version på Landsstyrets hjemmeside.

1 Asasakka nunaqqatikka – tamassi ukiortaami pilluaritsi!

Ukioq ingerlavissarput nutaaq aallartipparput.

5 Inuaqatigiittut suliassagut amerlaqaat.

Immikkulli pingaartillugit taarusuppakka meeqqat ilaqtariillu atugarisaannik suli pitsanngorsaasariaqarnerput.

10 Meeqqat atugarisaasa pitsanngorsaaviginissaat pisariaqarmat

Taamaattumik Meeqqat Ukiuat 2019-imni ingerlaqqissaq.

15

2018-mi pisimasut eqqarsaatigillattaavakka, ukioq sorpassuartigut alloriarfiusoq.

Immikkut eqqaanngitsoorsinnaanngilara suliniut - oqaaserlu - KILLILIISA.

20

Nunaqqatitta ilaat, Arnajaraq, Arnannguaq, Henrik, Heidi, Michael, kiisalu Gukki Nuka, taakkullusi aqqusaarsimasasi imaannaanngikkaluaqisut – sapiillus ammasumik tamatsinnut saqqummerpusi.

25

Ajoraluartumik akunnitsinni artorsaativut pillugit – nipangiussisarnerput nalinginnaavoq. Ilissi inuppassuit nipaallutik artorsaatigisaat

oqaasertalersorperi.

- 30 Inuit ataasiakkaarluta artorsaativut unittooqqassutigiunnaarlugit  
qaangersinnaassagutsigit saqqummiussisinnaaneq  
sapiissuseqarfiginerusariaqarparput – tamannalu ilissi takutipparsi.

Nukiit maligassiuisut ingerlalerput!

- 35 Maligassiuinermut tunngasunik taasaqarama 2018-imi pisimasoq alla  
eqqaavara.

- 40 Ukiaq – illoqarfinni arlalinni – nipaatsumik ingerlaaqatigiinnertalimmik  
akerliussutsimik takutitsisoqarpoq.

Imminut toquttarneq akiorniarlugu iliuuseqartoqarnissaa tassani  
oqariartuutigineqarpoq.

- 45 Innuttaasut iliuuseqaqataarusunnerat takoqqipparput.

Niviaq Korneliussen – suliniummik aallartitsisoq – minnerunngitsumillu  
illoqarfinni arlalinni suleqataasorpassuit ingerlaaqatigiinnermilu  
peqataasorpassuarnut – tamassinnut qujarusuppunga.

- 50 Nipaatsumik ingerlaaqatigiittoqaraluartoq – oqariartuutisi suli akisuasutut  
ipput.

Tusaavatsigit.

- 55 Aap, nunatsinni suliassaqarpugut.

- 60 Taamaattumik pisariaqvippoq - nammineq kajumissuseq atorlugu  
inuiaqatigiinni suleqataanerup innuttaasunit ingerlanneqarnissaa. Suliassat  
pisortat kisimiillutik naammassisinnaanngisaannik ilaqarmata.

- 65 Tulluusimaarutigaara innuttaasut piumassusillit namminerlu kajumissusertik  
atorlugu suleqataasorpassuit nunaqqatigigatsigit. Timersornerup iluani –  
kulturikkut – inoqatinik ikiuiniarlutik suliniartut – allallu inuiaqatigiinni  
sutigulluunniit sunniuteqartumik suliniuteqartut amerlaqaat.

Tamavissi qujaffigaassi!

- 70 Nunatsinni ikiortissarsiorluni oqarasuaatikkut saaffigineqarsinnaasut  
Naalakkersuisut qaammammi uani ataatsimuulersissavaat.

Oqarasuaatikkut saaffiginnittarfissaq nutaaq – “Tusaannga” –  
siunnersorneqarnissamik tusarnaarneqarnissamillu pisariaqartitsisut  
75 attavigisinnaalissavaat.

Saaffissaq ataqatigiissagaq – inuttut aporfigut suugaluartulluunniit –  
pilertornerusumik sukumiinerusumillu ikiortariallit ikorfartorneqarnissaannut  
aqqutissiuisussaq. Nukiit ataatsimoortillugit!

- 80 Immaqa massakkut eqqarsarputit - sooq tamakku aallarniutigigikka?

Pissutaavoq misigisimagama tamakkunani aamma suliassaqartugut.

- 85 Suliassagullu naammassissagutsigit – inuit taama ittut pisariaqartikkatsigit.

Nukissallit – sapiissusillit – nunaqqatiminnullu ikorfartuillutik nukissamik  
siammarterisut.

- 90 Inuaqatigiit ikittunnguvugut, taamaattumillu akunnitsinni immitsinnut  
erligisariaqarpugut.

Kinaagaluaruttaluunniit tamatta nukissamik tunniussisaratta.

- 95 Nunarput ingerlalluarpoq.

Aningaasaqarnerput pitsasumik ingerlavvoq.

Tamanna assigiinngitsutigut takussutissaqarpoq.

- 100 Ukiut arlaqanngitsut ingerlanerani suliffissaaleqisutut nalunaarsorsimasut  
ikilipput.

Nunatsinni isumaginninnikkut ikorsiisarneq nunarsuatta ilaanni pissutsinut

sanilliukkaanni pitsaavoq.

Nunatsinni ilavut peqqutissaqavillutik sulisinnaanngitsut  
imminiiginnarneqaratik aaqqissuussamik ikiorneqartarput. Tamanna  
110 nunatsinni inuiaqatigiittut tulluussimaarutissaraarput.

Kisianni nunatsinni suleqataasut amerlanerusariaqarput.

Taamaattumik suliffeqarluni inuuneq pissaqassutsikkut annerusumik  
115 malugineqarsinnaasariaqarpoq.

Nuannaarutigaaralu sulinermut ilanngaatip atuutinneqalernissaa ukiumi  
matumani piareersarneqassammat – naatsorsuutigaarpullu appaagumiit  
atuutilersinneqassasoq.

120 Nunatsinni inuppassuarnik ilaqpugut ilinniagaqanngikkaluarlutik suliassat  
qanoq suliarineqarnissaannik ilikkarsimanertik atorlugu imminnut  
napatittunik – ingerlalluartunillu. Inuppassuit suliaminnik ilikkarsimasut  
sulilluarnerat nuannaarutigalugu qujamasuutigisassavarput.

125 Ilinniagaqarnissarli pingaartitassaraarput.

Inuttut atugarissaarnissamut aqqutissaammat pingaaruteqarluinnartoq.

130 Taamaaammat ukiut tamaasa aningaasarpassuit ilinniartitaanermut  
atortarpagut.

Tamanna ingerlatiinnassavarput.

135 Uanilu inuuusuttut ilissi pingaaruteqarluinnartumik inisisimavusi.

Tullinnguuppusi.

Taamaattumik inersimasunngorlusi nammineertussanngorussi suna  
140 inuuniutigerusunnerlugu aalajangiussisariaqarpu – angunissaalu  
ilungersuullugu

Ikorfartussavatsigit!

Augo Lynge-ugaluaq inuiaqatigiinni qanga eqeersaasimasoq, ilaatigut ima oqariartuuteqarpoq:

150 “Umiatsiap qeqqaniiginnarunnaarlusi – ilissi iputit aquullu tigusariaqalerumaarpasi.”

Siunissami namminiilernissarsi avaqqunneqarsinnaanngilaq – taamaattumik piareersartariaqarpusi!

155 Uagut angajoqqaajusugut inuuusuttortagut ikorfartornerusariaqarpagut. Eqeersarlugit – kaammattorlugillu.

Tamatta assigiinngitsunik piginnaasaqarpugut.

160 Matumani pingarnerpaaq tassaaginnarpoq peqqissuulluni inersimasutut inuuleraanni imminut pilersorsinnaanissaq.

Assassullaqqissut piginnaasaminnik atorluaassapput,

165 kisitsilerinermut atuagarsornermullu pikkorissut piginnaasaminnik atorluaassapput,

oqaatsinut poqersut piginnaasaminnik atorluaassapput,

170 nunatta pissarititaanik atorluaanikkut soorlu aalisarnikkut, naatitsinikkut allanilluunniit inuussutissarsiuteqarnissamut paasisimasallit piginnaasaminnik atorluasarnerat pilersueqataaneruvoq pingaarutilik.

Naatsumik oqaatigalugu inuit tamarmik assigiinngitsunik  
175 piginnaasaqarfeqarput – tamarmillu atorfissaqartinneqarlutik.

Atorluaallutik inuiaqatigiinni suleqataasut tamarmik inuiaqatigiinnut nam’makkersuu’taanatik akerlianik nukinnik pilersueqataapput.

180 Taamaattumik paaqqinnittarfinni, atuarfinni ilinniarfillu nunatsinni innuttaasut piginnaasaqarfiinut naleqqussagaanissaat sulissutigineqassasoq Naalakkersuisut piumasaraat. Ilinniarfiit nunap inuisa pisariaqartitaannut

tulluarsakkamik aaqqissugaassapput. Tamattami atorfissaqaratta!

185

Nunatsinni iliniagaqarnikkut qaffassartuarnissatsinnut atatillugu  
inuusuttortagut kaammattorumavakka tunuarsimaarnatik aamma nunani allani  
ilinniarfissat atorluarniaqqullugit,

190

nunatsinni sutigut tamatigut ineriartornissami inuusuttut tamatigoortut  
atorfissaqartikkatsigit.

Nunatsinni inuussutissarsiutitigut ineriartortitsinissamut sukarsuit sisamat,  
aalisarneq, takornariaqarneq, aatsitassarsiorneq nunamilu suliffissat –  
195 aallaavigalugit – pingaartillugillu – suliavut ingerlappagut.

Aalisarnikkut aaqqissuusseqqinnej aallartisarutterparput – inatsisitigut  
nutarterinissamut ataatsimiititaliarsuaq ukioq manna sulilissaq –  
suliakkiissummilla naammassinnilluni.

200

Taamaattumik ataatsimiititaliarsuup suliaata Inatsisartunit sammineqalernissa  
qilanaarnarpoq, siunniusimaneqassaaq suliaq annertooq nunatsinnut  
innuttaasunullu ullumikkornit iluaqutaanerulerluni naammassineqa ssasoq

205

Mittarfinnik sanaartornissamut inatsisissaq Inatsisartut ukiaq akuersissutigaat.  
Taakkulu sanaartorneqarnissaat 2018-imi inuit amerlanerit oqluuseraat.

Maanna silaannakkut angallanneq malunnaatilimmik  
naleqqussaavagineqartussanngorpoq.

210

Suliniutillu ukiorpassuarni aalajangiif'figiniar'neqar'simapput.

Aningaasaliissutit amerlaqaat - ingerlariaqqittussanngorpugut.

215

Tullinnguuppoq sanaartorneqartussat – inuiaqatigiinnit sapinngisamik  
annerpaamik iluaqutigineqalernissaat.

Angallannikkut aaqqissuusseqqinnej annertooq naammassippat nunatsinni  
atingaasarsiorneq sutigut tamatigut qaffakkiartussaaq, tamanut  
220 iluaqutasumik.

Tamannalu tunaartalarugu Naalakkeruisooqatigiit ilungersuuteqassammata oqaatigissavara.

225

Kujataani qanoq aalajangertoqarnissaa utaqqiinnarunnaarlugu taqqavani ineriartortitsinissaq pilersaarusrusiorneqarsinnaalerpoq.

230 Arajutsisimanngilara alloriarnerit taakku kikkut tamarmik isumaqatiginngikkaat. Soorunami allanngorneq taama annertutigisoq tamatta assigiimmik isumaqarfinginavianngilarput.

Kisianni nunatsinnut naleqquttumik ineriartortitsinissaq pisariaqavippoq. Nunatsinni kinguariit tulliuttut oqilisaannissaat matumani pingaaruteqarmat.

235

Illoqarfiit anginerit kisimik piorsaavigineqanngillat.

Angallannikkut aaqqissuusseqqinnermi illoqarfiit mikinerit aamma mittarfeeqqanik sanaartorfigineqassapput.

240

Qaanaami umiatsiliveqarnikkut pitsangorsaaniarluni suliaq ingerlallualereerpoq.

245 Uummannami – kiisalu Kangerlussuarmi umiarsualiveqarnikkut pitsangorsaaniarluni suliniutit taamatuttaaq ingerlapput.

Nunatsinni sumiiffinni tamani naligiinnerusumik ineriartortitsineq ingerlateqqissavarput.

250 Nunarput ataasiuvoq – sumiiffiit ineriartornikkut ikorfartorneqarnissamik pisariaqartitsinerusut nukinnik atuiffiginerusariaqarpagut.

255 Nukissaqarluartut kinguaattooriartulersunut oqilisaassinissaat ikorfartuinissaallu pingaaruteqarpoq, soorlu aamma ilaqtariinnermi pissutsit taamaattartut.

Ilaqtariit tassaapput inuttut sorlaqarfivut.

260

Inuunerput tassaanngaanniit tunngavilerneqarlunilu sammivilerneqartarpoq.

Taamaattumik ilaqtariit atugaat eqqummaariffiginerusariaqarpagut.

265

Nunatsinni ingerlalluartunik nukittuunillu ilaqtariippassuaqarpoq.

Taamaattorli ilaqpugut ikorfartorneqartariaqartunik –  
aqquissiuunneqartariaqartunillu.

270

Meeqqat ilaat ullaakkorsiorsimanatik, qasuerluarsimanatik puullaqqillutilu  
atuariartortartut tusartarpagut.

275

Meeqqat taama atugaqarlutik peroriartortut amerlanerit inuunerminni sutigut  
tamatigut kinguaattooriartulertarput.

Inersimasuuusugut akisussaasugullu pissutsit taamaattut  
akuersaarsinnaanngilagut.

280

Meeraq kinaluunniit ataasiaannarluni meeraasussaavoq, tamannalu  
innarlerneqassanngilaq!.

Ilaqtariit inuiaqatigiinnit ikorfartorneqartariaqartut  
tappiffiginerusariaqalerpagut, tapersorsornerulerlugillu.

285

Pilertortumik iliuuseqartarnissarput sukataarunnerusariaqalerparput.

Ajornartorsiutit oqimaallivallaartinnagit paasineqartalernissaat –  
iliuuseqarfigineqartalernissaallu – aallunnerusariaqalerparput,

290

Ilaqtariinni inooriaatsit atugarliortitsisuusartut kinguaariinnut tullernut  
ingerlateqqinnejartarnerisa unitsinneqarnissaa inuiaqatigiittut  
ataatsimoorullugu sulissutigisariaqarparput.

295

Tamatuma sulissutiginerani innuttaasut namminneerlutik suleqataanissaat  
pingaaruteqarluinnarpoq.

Ukiumi matumani ilaqtariinnermut atatillugu politikkimik nutaamik  
Naalakkersuisut saqqummiussaqassapput, tassanilu pingartinneqassaaq

pisortat tungaanniit iliuuseqartoqassatillugu ilaqtariit ataatsimut  
isiginiarneqartarnissaat – ataatsimoortillugillu suliniuteqarfigineqartarnissaat.

Angusassatta pitsaanerpaartaat angussagaluarparput siunissami meeqqanik  
305 angerlarsimaffiup avataanut inissiisariaqartarneq pisariaqarun'naarsissin  
'naagaluarutsigu.

Meeqqanik angerlarsimaffiup avataanut inissiisarneq sappinngisamik  
minnerpaaffissaanut pitinnissaa siunertaralugu suleriaasivut  
310 aaqqissuuttariaqarpavut.

Angajoqqaat meeqqamminnit sumiginnaasut ikilisinniarlugit nuna  
tamakkerlugu iliuusissatut pilersaarummik Naalakkersuisut ukiumi matumani  
suliaqartussanngorput.

315 Meeqqat ikiorniarlugit inunnik isumaginnittooqarfinni, ulloq unnuarlu  
angerlarsimaffinni allanilu inulerinermik suliaqartorpassuususi tamassi ima  
oqarfigerusuppassi.

320 Meeqqat – innuttaaqatigullu inersimasut - ilaatigut  
imaannaanngitsorujussuarmik atugaqartut inuaqatigiit tamatta sinnerluta  
qasujaallusi sullippasi.

Pisortani sulisuugussi – imaluunniit peqatigiiffilerineq aqqutigalugu  
325 inoqatitsinnik ikorfartortariaqartunik sullissisuugussi –  
  
tamassi inoqatitta pisariaqartitsisut saaffissaqarnerannik qulakkeerinnittuvusi  
– ilissi tassaavusi inoqatitsinnut ikiortariaqartunut nukissanik immersuisut.

330 Tamassi sulinersi nersunartuuvoq, tamatta nalunngilarput suliarsi  
oqimaatsuusoq, taamaattorli qasusuillusi suliuarpusi.

Tamassinnut qujanaq.

335 Nunatsinni utoqqartagut ilaqtariinni pingaarutilerujussuupput.

Utoqqartatatta pitsaasumik atugaqarnissaat aqqutissiuutissavarput.

- 340 Utoqqaat suli pisinnaasut tunngaviusunik utoqqalinersianik annaasaqanngikkaluarlutik saniatigut isertitaqarsinnaalernissaat sulissutigineqassaaq.
- 345 Taamaalilluta utoqqalisut pisinnaasut sulerusuttullu suliffimmiiginnarnissaat angusavarput.
- Utoqqaat sulerusussusillit eqqaagaangakkit eqqaanngitsoorneq ajorpara Anthon Geisler,
- 350 99-inik ukioqarluni Ilulissani nammineq pisiniarfiutiminik suli ingerlatsisoq.
- Akunnitsinni taama maligassiusoqarnera nukittuallannartuullunilu tulluussimaarnarpoq.
- 355 Utoqqalereeraluarlutik sulersusussuseqartut – utoqqalinissaminnullu piareersarsimasut - atugarisaasa pitsanngorsaaviginissaat angussavarput.
- Tamanna pillugu inatsisissatut siunnersuut ukiumi matumani Naalakkersuisut saqqummiutissamaarpaat.
- 360 Innarluutillit atugarisaat pitsanngorsaaviginiarlugit innarluutillit najugaqarfiaa ullutsinnut naleqqussaavagineqarnissaat pimoorunneqarnerulissaq.
- 365 Aamma innarluutillit annertunerusumik tapersorsorneqartalernissaat siunertaralugu inatsisissatut siunnersuummik Naalakkersuisut ukiumi matumani saqqummiussinissartik siunnerfigalugu sulinertik ingerlappaat.
- Innuttaasut peqqissut tassaapput nunatsinni sutigut tamatigut sapinngisamik ajunnginnerpaamik atugaqarnissatsinnut toqqammavissagut.
- 370 Taamaattumik innuttaasut peqqinnerulernissaat anguniarlugu suliassaqarfilt assigiinngitsut akunnerminni suliaminnik ataqtigiissaarinerulernissaat Naalakkersuisuniit siunnerfigaarpuit.
- 375 Ataqatigiinnerusumik suleriaaseqartoqalernissaa qulakkeerniarlugu Naalakkersuisut siulittaasuattut aalajangerpara isumaginninnermut naalakkersuisoqarfik,

380 aamma peqqinnissamut naalakkersuisoqarfik – allaffissornikkut  
ataatsimuulersinngikkaluarlugit,

Naalakkersuisup ataatsip akisussaaffigilissagai.

385 Innuttaasut inuuniarnikkut nalingiinngitsumik atugaqarnerat immini  
innuttaasut peqqissusaannut akornutinngortarpoq

Inuiaqtigiit timikkut tarnikkullu peqqissuunerat qaffassassagutsigu  
suleriaatsinik ataqtigiissaarinerulernissaq pisariaqarpoq.

390 Namminersorlutik Oqartussani suliassaqarfiiit assigiinngitsut sulinerminni  
suliaminnik ataqtigiissaarisarnerat annertusarneqassaaq.

Saniatigulli kommunit,

395 inuussutissarsiornermik ingerlataqartut - kiisalu kattuffiit - suleqatigalugit  
inunnik isumaginninnermut attuumassutillit

400 peqqinnissallu tungaatigut suliassaqarfiiit  
pitsaanerusumik naammassisaqarfiusalernissaat  
aqquissiuutissavagut.

405 Tamatta nuannaarutigeqisatsinnik Amerikkap Nunavittaaneersut  
pissartanngorniunnerat nunatsinni aasaq aaqqissuunneqarpoq.

410 Kalaallit Nunaata Chile-llu pissanganarluinnartumik unamminerini piffissap  
sivitsorneqareernerani nunatsinneersut naggaterpiaani ajorsarput.

Tamatsinnut uggorartorujussuuvoq – kisiannili unamminerit takutippaatigut  
qanoq ataatsimuullaqqitsiginersugut.

415 Aaqqissuussineq iluatsilluarpoq – tamattalu nunanut allanut  
unammisartuitigut tulluussimaarutigeqaagut.

- Pingaaruteqarpoq meerartatta nammineq nunatsinneersunik  
420 nuannaartorisaqarnissaat – tamannalu timersornikkut annertusaaviginiartigu.
- Timigissarneq timersornerlu inunnut ataasiakkaanut pitsasuuvoq. Innuttaasut  
peqqinnerulerterat
- 425 inuunerissaarnerulererannik – peqqissuullutillu  
inuuneqqortunerulererannik malitseqarumaarpoq.
- Taamaattumik 2019-imi aningaasanut inatsisissaq aqqutigalugu  
430 timersornikkut ingerlatat aamma pitsaliuilluni suliniutinut  
atingaasaliissutaasartut ukiuni tulliuttuni amerlineqartussanngorput.
- Nunatsinni pinngortitaq avatangiisillu tassaapput maani nunami  
435 erlinnaartutitta pingarnerit ilaat.
- Pinngortitaq, uumasut avatangiiserpullu taakkuupput nunami maani  
ukiorpassuarni najugaqartuarsimanitsinni isumalluutiginerpaasarismasagut.
- 440 Nunatsinni pinngortitarsuup kusanassusersua - immikkullarissutaalu -  
nunaqartuusugut tulluussimaarutiginngitsoorneq ajorpagut – taakkuuppullu  
aamma nunani allaniikkaangatta angerlarsernitsinnut pissutaanerpaasartut.
- Tamannalu peqqutigalugu avatangiisinut aningasaateqarfik  
445 pilersinneqartussanngorpoq – pinngortitaq eriagaissagatsigu
- Nunatsinni eqqaaveqarnikkut ataqtigiissaakkamik aaqqissuussineq kommunit  
tamarmik Namminersorlutik Oqartussallu suleqatigiillutik  
pitsanngorsaavigisussanngorpaat.
- 450 Kommunit Naalakkersuisullu taama isumaqtigiissuteqarnerat  
takussutissaavoq oqartussat suleqatigiikkaangata anguniagassat  
annertugaluartulluunniit inornannginnerulersartut.
- 455 Angusaq imaannanngitsuuvoq – nuannaarutissaq

Nunatsinni pinngortitarsuup tunniussinnaasaannik atuisuuvugut.

460 Aalisarneq piniarnerlu inuunitsinnut ilaavoq.

Ilatta tamakkiisumik inuuniutigaat – ilattalu peroriartornerminni tapertaralugu pissarsiniartarnertik ilitseqqussaraat.

465 Aalisarnermi piniarnermilu atueriaatsit aqunneqarnerani uumasorsiuut/biologit kiisalu aalisartut piniartullu ilisimasaat tamarmik pingaaruteqarput.

470 Attumi pinngortitami isumalluutit pillugit siunnersuisut, Nunat avannarliit 2018-imi Avatangiisinut nersornaataannik nersornaaserneqarput.

Taakku suliaat piniartut aalisartullu ilisimasaannik oqariartuutigisartagaannillu takussutissartalersuinermik imaqarpoq.

475 Taamaattumik Attumeersut angusaat – nersornaaserneqarnerallu pillugit – pilluaqqorusuppakka, qujanarlu maligassiuillusi periaatsimik ineriartortitsisimagassi.

480 Ikinnerussuteqarluni naalakkersuisoqarneq nunatsinni atugaasorsuunngilaq. Ullumikkut Naalakkersuisut ikinnerussuteqarlutik ingerlatsipput, oqarsinnaavungalu taamatut suleqatigiinneq aallartilluarmat – ingerlalluarlunilu.

485 Aamma suliassanut anguniakkanullu aalajangersimasunut partiinik allanik suleqatarneqartarnerput ajunngitsumik ingerlavvoq.

Taamaattumik Naalakkersuisuni – Iniatsisartunilu – suleqatigiinnerit ingerlalluarlunissaannut isumalluarpunga.

490 Naalakkersuisut inuiaqatigiillu sinnerlugit Ataaqchinartorsuaq Dronningi taassumalu Ilaqutai Kunngikkormiut ukiortaami pilluaqqquakka. Aamma danskit Folketingiat naalakkersuisuilu, savalimmiorfmiut Lagtingiat naalakkersuisuilu, kiisalu inuiaat danskit savalimmiorfmiullu tamaasa pilluaqqquakka.

Minnerunngitsumilli inuiaqatigut ilinniagaqarlutik, napparsimallutik – imarsiorlutik – allatigullu suliffimminnut atatillugu angerlarsimaffitik qimallugit nalliuottorsortariaqarsimasut tamassi eqqaamallusi ukiortaami  
500 pilluaritsi.

Siorna oqalugiaatinni oqaatigeriigara imarisaa pingaartikkakku oqaatigeqqissavara: Asasakka nunaqqatikka...

505 Allanngortinneqarsinnaanngitsumik kinguaariinni angajoqqaavut ukiorpassuarni siuttorisimasavut utoqqalillutik qaangiussulerput. Ugullu inuiaqatigiinni siuttuulersutut tamanut toqqisisimanartumik asannittumillu ingerlatsissalluta pisussaavugut. Kinguaatsinnut maligassiilluta. Soorlu utoqqartavut uagutsinnut taamatut oqaassisarsimasut.

510 Siunissaq nammineerluni takkuttarpoq, ineriartornerli aatsaat sulinikkut malunniuttarluni.

515 Taamaammat ilungersussaagut nunatta siuariartornissaa ineriartornissaalu pillugit.

Augo Lyngep taalliaani – “Suna inuusuttuusup anguniassavaa”, tassani versit pingajuat inuiaqatigiittut killiffsinnut siunnerfigisatsinnullu tulluartikkakku issualaassavara:

520 “Taamaattoq takuarput

Suli inortugut

525 Miserratiginngilarput

Aatsaat pilersugut

Taamaattoq upperaarpot

530 Kalaallit allatut angusaqarsinnaasut Siumukartutut.”

Taama oqarlunga Nunatsinni innuttaasut tamassi ajunnginnerpaanik kissaallusi

535 ukiortaami pilluaqquassi.

Guutip nunarput inuiliu sernigiligit

**Kilde**

540 [www.naalakkersuisut.gl](http://www.naalakkersuisut.gl)

**Kildetype**

Dokumentation på online medie

**Tags**

Nytårstale, Udvalgte nytårstaler fra Landsstyreformanden

545

**URI**

<https://www.dansketaler.dk/tale/kim-kielsens-nytaarstale-2019>

550

555

560

565

570